

(嘉庆)
涉县志

(

1

)

2

3

4

嘉慶涉縣志序

涉志自康熙甲午歲

邑人修後迄今九十

年未修其為缺也孰

甚焉折非特缺之甚

也。虞視其所為志編
氣無法前後雜階凡
所記載往往與史相
背謬蓋先之作者粗
述聞見備一方掌故

其為書也草創焉而
已從事者稍滋增益
而踵其前失不復致
考亦無所謂討論也
余以志者史之一體

一縣之志即一縣之
史並期於傳信又史
詳奉代志具見數代
必上下千年於有縣
之源流併合歷朝之

因革變易及遭時盛
衰之故灼然於心而
後乃筆之無誤故作
志之難與作史等然
歷代之史具在固作

志之權輿不熟乎此
而循俗記載其其
也乃就涉志畧言之
如南北朝時地入北
魏而有梁武朝之尚

書唐代宗後為澤潞

方鎮所據而有開成

之巡幸靖康之後非

後宋有而錄造舉有

紹興之進士記叢祠

有淳熙之道觀至若

人物首列孤突封邑

遠措涉阡咸無故亭

引展轉傳會其於史

書類未一經目者噫

誣也久矣先正謝方
石有言志缺則一郡
一邑之典型無以考
而文獻不足徵然缺
猶將有起而繼之者

妄則誣誣則是非混
清真偽錯雜雖有德
者無以善其後今涉
之志既缺又誣甚余
竊病之因以政暇重

修纂既俾九十餘年
之文獻續有所考并
前此千數百年所載
事實亦稍為是正不
致顯背於史蓋於此

加討論焉乃若修飾
潤色則余之才不足
以誇此第龐雜為文
固有所不敢出耳是
役也一切考訂之事

余以身任又得孝廉
李君文元輩今職採
訪始終在局相與有
成厥功並懋焉


嘉慶四年己未五月

賜進士出身

特授文林郎知彰德府涉

縣事浙太平戚學標

序



縣志告成適讀太白集即集其

白書簡端

哲后起康濟君子方經綸建功及春

榮起舞鳴鷄晨何當來此地枯槁


驚常倫風雲激壯志天路渺無日

趙俗縵胡纓不重袞衣人大雅久

不作憲章亦已淪徵古絕遺老時訛
皆失真碑版有殘銘忽之如遺塵嘆
息滿山川空入周與秦我志在剛述
三年費精神琢之詩禮間一揮成風
斤精光乃堪掇綺麗不足珍四山丹
壁開紗窓曙色新退食無外事星

客盡來臻結歌咏唐堯郢曲回陽
春風義未淪替遠途期所遵事
事不異昔庶幾風化淳

戚學標再題



舊序

古來貧瘠頑梗之區必得在上轉移化誨之而後
治而在上之人尤必得有司軫恤躬導之而後安
蓋有司易於親民凡民間之隱微疾苦無不可誠
求而得官其地者洵能興舉廢墜修紀布綱雖旦
夕之間已覺改觀况經數載漸摩之久乎我於黃
令之治涉有不禁忻然深幸焉夫涉僻處鄴城西
鄙彈丸山邑也然而韓峯擁翠於前漳水環碧於
左產於斯者民則龐厚士則秀雅宋明之間非特

科甲之盛蟬聯弗替卽忠節孝友之人亦相繼輩
出邑乘具在班班可考也自明季之亂兵燹頻遭
饑饉洊至倉皇老稚徙去者殆過半焉夫室家飄
流之不暇遑問詩書禮樂事乎我

國朝定鼎以來數十年之涵濡教化固已風移俗易
乙酉秋又得黃令來宰茲土潔清持己慈愛御人
暗閭閻之蕭然憫民生之凋瘵不啻身切痡瘵厖
懷甚迫必欲登斯民於衽席而後止其重文學以
振士風善撫字以培民力除行戶則惠遍窮簷草

雜派則恩周蔀屋道里修創而利濟成芒糧抵除
而民困解課農則田疇勤業省刑而強暴爲良宣
聖主愛育之至意體 各憲撫綏之盛心亦云至詳且
悉有加無已矣歲甲午又以邑乘未修幾二十載
恐世遠言湮難徵考信亟同邑之紳士重加修輯
之紳士咸向余丐言以弁首余惟令蒞涉十年矣
試思向之哀鴻未集者而今則吠犬相聞向之士
氣彌頽者而今則文風聿新向之蒿萊滿目者而
今則桑麻四境向之頑梗成風者而今則絃歌比

戶羣稱潁川循吏之家風千載復覲也茲當邑志
告竣我知覽是編者遠稽近考旣以見宋元時文
物之盛更以昭今日治化之隆而余亦自丁亥以
來兢兢自矢期殫厥職者得藉賢令之同心襄贊
可相與有成矣故不辭而樂序之

誥封中憲大夫知彰德府事燕山繆發撰

舊序 二

自壬子歲我

皇上勅修一統志天下郡邑莫不各有志矣考涉志自
我

朝定鼎以來兩經編輯其間山川風土井里賦役官師
人物善政芳徽靡不井然釐定燦然可觀今余之
重修是志也或疑爲過舉者余非敢也我涉僻介
鄴郡西鄙蕞爾瘠區萬峯萃嶴複嶺嶽嶽土性寒
确樹藝歉收且漳水不時泛溢洶湧激噴瀕水田

廬每有汨沒洪流之慮官斯土者苟非恪遵令甲
夙夜冰兢多方溫煦鮮有不虞其叢脞者仰蒙我
皇上子惠元元登三咸五年來屢頒

覃詔賜賦蠲租

親灑宸章訓飭士子

聖恩浩蕩過化存神以故山澤効靈雨暘時若涉雖九
邑茲皆菑畲墾治葺屋安寧秉耒橫經雲耕月誦
父老子弟咸喁喁然含哺鼓腹於雍熙之世者悉
我

皇上深仁厚澤之所涵育 各士憲承宣表率之所誕

敷余小吏矢竭駑鈍俸免愆尤爰是公退之暇緡

閩邑志知爲前令楊左二君增修成帙自癸酉迄

今已二十年矣此二十年之中豈無秋登桂榜春

宴杏林者乎豈無博物明經騷壇樹幟者乎豈無

孝友性成倫常無愧者乎豈無冰霜矢節壺教無

忝者乎一善可風一長足錄均未可湮沒而不彰

也矧夫黌宮之繕葺祀典之推崇賦稅之損益燕

田戶齒之闢理生聚櫓塹淳梁之經營補葺較之

二十年以前諒有不同者倘不及時登之邑志或
至事過境遷久而失實善蹟淪亡俾將來稽核無
據未必非守土者之咎是以不揣荒陋敬延邑之
賢明紳士二三僚友與之重加叅訂遠蒐近核裒
益補綴綱舉目張條分縷晰不數旬而告竣焉因
念余自乙酉歲承乏茲土數年執掌五斗虛糜今
重輯是編似非過舉從此益自淬礪與涉之士庶
相與有成執此編以竊副

勅修一統志之盛典是余之鄙衷也後之君子其亦可

以垂諒也夫

肯

康熙五十三年孟夏吉日

勅封文林郎知沙縣事燕山黃澤撰

舊序三

古列國有風歷輶軒而採之太史追詩亡而春秋
作嗣後若子長傳記及董狐諸筆赫赫如昨千古
留爲信史無非爲人心風俗慮也今採風者不至
然郡有郡志縣有縣志亦猶行古之道也余自丙
申歲尹茲涉土攬其山川形勝知爲古音韓趙魏
之區厥民愿厥風樸僿披其輿圖雖屬蕞爾亦有
洋洋大國之觀上世修志者不可攷及先令李天
柱棟宇延鄉先生受菴李君輩採得殘斷舊草一

冊叅互攷訂著爲上下二卷時萬歷戊戌歲也至
丁巳邑令任澄清依山復請鄉先生鳴宇李公輩
遠稽近述舉二十年未載之事臚列增益嗚呼盛
矣迄今四十餘年選舉不無輩出管建不無更置
官秩不無遺載孝義節烈之行不無軼失矧值我
皇上御極溟黔諸方並歸一統誠億萬世鞏固之繡疆
也人心風俗蒸然丕變重修之役更不容緩但緣
連歲輓餉余實有志而未逮適蒙 巡撫部院下
纂修之令乃遵奉上傳敦延鄉紳李若輅等庠士

李臻等設局商訂秉公矢正大書特書其凡例大綱有八條目四十有奇俱仍舊式兼顯鄉宦越石楊公自著遺書列爲上中下三卷其嘉言懿行則書之譎張匪彘則闕如崇厚道也猶春秋善善長而惡惡短之意也然事有不孚輿論者勿使竝進孔子曰如有所譽者其有所試矣此物此志夫如曰志之可以緩也則詩亡不必有春秋春秋之後不必有史遷諸筆也然則縣之有志所以佐政教之不及於人心風俗大有攸賴後之覽斯志者如

讀太平之書心儀

盛朝之化則庶幾矣蓋不獨踵事增華已也順治己亥
夏月謹敘知涉縣事古雍劉璿撰

舊序

四

史謂天運三十年一小變故三十爲世凡以歷年
至此則甲子居半去日已多由此而漸與老近少
時之所聞見有不必盡憶者矣故余嘗謂私而家
譜公而邑乘其修舉皆當以三十年爲斷毋論地
處遐陬鮮博碩宏通之士足以旁搜遠稽卽通都
大邑之內識大識小間有其人而時遠言湮傳聞
滋異又何怪今古之多疑誤也已已秋余承乏茲
邑方欲採訪舊章近求良憲以匡所不逮乃披覽

輿志僅已亥而止三十年來雖疆域不殊山川城郭如故然以我

皇上文教之所漸被善政宏仁之所栽培薰育豈無蔚爲名賢足資父事兄事者乎豈無清操勵節勤慎厥職堪奉典模者乎豈無節義足以維風文章足以華國爲山川生色者乎矧夫建置或已驟更災祥不無叠見安可不大書特書以成一邑信史以昭後人法戒顧乃視爲不急聽其湮沒也耶余方欲事採補以時游饑士民失業不得不置爲緩圖

幸 巡撫都院閣 發資倡賑疏請蠲復四境之

內乃寬然有樂生之心嗣是加意右文樂舞禮器

千百年所廢墜者一朝而舉復兢兢以文獻之闕

失是慮檄下各郡縣及時增修猗歟休哉 以兼何

幸際斯盛舉乃謹擇靜地開局敦延邑中名宿馮

于翰楊子際秦劉生諫楊生擢錦互相考訂詳為

綜核四閱月而告成不特三十年內人多親覲事

盡躬逢得以鑿鑿言之有據仍刪譌剔謬補闕汰

繁從前載筆悉為釐定而余亦時以公餘筆削其

間非敢擅美前賢總期以激勸副

上人風勵之至意以徵實還斯民好惡之公心卽當
世之人談當世之事又何至以臆說譌傳疑誤後
世耶則斯舉也雖時會之適逢哉其卽因以爲例
又奚不可

康熙三十年正月之吉知涉縣事江右楊以兼撰

舊序

五

邑之有志猶國之有史所以傳信於將來者也顧
或文獻靡徵典章散佚俾叅攷無由則缺焉罔載
耳若乃代沿未遠稗乘有存合之父老之傳聞編
紀之掌故傳斯信信弗缺矣豈不大雅仍留典型
未墜也哉涉處豫西北極偏彈丸小邑又界太行
東居萬山之中爲車轍馬迹所罕到簿書期會簡
要不煩官斯土者聽政之暇嘗得以其餘放情寄
山水間旁搜典籍追尋成跡殊有吏隱風壬申冬

余奉

命來宰是邑值荒歉給復之餘士女仳離之日竊怪從
前補苴罅漏頽廢不振相循最多心實訝之及受
事數月力意滌刷僅得奉令無過率由故常始歎
前人非力詘乃勢窮其間沿陋就簡自有不得不
然者此其故身其境言知之而口亦不能道也長
夏拭几靜坐取前所纂涉志一編披而讀之其中
刪繁執要撫拾增益三十年來一切皆聞見已經
之事絕去傳會影譌卓然可信可傳讀畢地土山

川人民風俗等類瞭然指掌了然心目之間固皆
前人真積力久萃輯成書間有一二闕畧者補之
差譌者易之不過畧加較訂授之梓人以竟厥志
勩所未逮焉又笑前人任其勞而余受其逸已耳
苟曰掠前人之美以市己能踵貪夫之故轍昧作
者之苦心則吾豈敢

肯

康熙癸酉仲秋吉旦文林郎知涉縣事瀛海左印

奇撰

舊修縣志姓氏

明萬歷二十六年戊戌

知縣李天柱

教諭胡濟

訓導張三省

陳其儔

邑人代州知州李秉謙

生員楊如桂 李如白

張問政 李甲

萬歷四十五年丁巳

知縣任澄清

教諭李九鼎

訓導李賓桂

范錫

邑人德安府同知李熠

按察司經歷李甲

貢生張問政 周恭先

生員楊其言 李光

國朝順治十五年己亥

知縣劉璿

邑紳李若輅

生員李臻

康熙三十年壬申

知縣楊以兼

邑人生員馮翰
楊際泰

劉諫
楊擺錦

康熙三十一年癸酉

知縣左印奇

康熙五十三年乙未

知縣黃澤

教諭王巖

訓導許天錫

邑人進士竇彝常

舉人任中柱

李夢麟

拔貢生王頤

歲貢生楊鼎葵

江蜀涪

新修縣志姓氏

國朝嘉慶四年己未

總修

知縣浙江太平戚學標

分修

教諭河南中牟周維翰

署典史候補縣丞江鄭縣嚴浩

邑人舉人李文元

監生李萬年

貢生楊毓崧

增生李龍章

貢生李可珍

職員程鳳翔

採訪

監生李金鉉

監生苗應麟

貢生康紀堂

廩生馮玉臺

拔貢趙封

附生馬得洹

廩生王鳳翥

布經 江鵬舉

附生李長楚

監生牛麟惠

監生李素存

武生程方升

州同劉允升

武生王禦侮

增生郭維憲

廩生李先春

監生李著明

增生李瑾光

監生郝岐

附生趙席珍

附生趙興

附生江孝治

貢生張夢虎

廩生張雲從

武生宋國英

醫經五圖

北至武
安界八
十里

西北至黎
城界六十
五里

清漳

毛嶺台

汚漳台

新橋台

石門台

陳平台

鳳岡台

源泉台

遠城台

鐘台

趙峪台

岳岡台

曲裡台

陶城台

索堡台

唐王台

龍山

西至黎城界五十五里

常溫村

樂台

彈音台

皇山

楊家莊

王堡台

七源台

清涼台

北關

小曲台

赤岸台

會裡台

沿頭台

教場

縣城

風洞台

漳台

神頭台

南關

響堂台

會裡台

南庄台

店南台

南庄

西南至黎
城界二十
五里

響堂台

響堂台

樹椿台

嶺台

嶺台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台

響堂台


響堂台

響堂台

響堂台

響堂台


響堂台



臨城煙圖

卷之二

四



城隍廟

先農壇

馬王廟

龍王廟

北門

南門

十字街

成慶廟

土地廟

東門橋

黃門坊

小橋

妙覺寺

養濟院

觀音堂

小海

春亭

普濟堂

山川壇

南關

南關


白雲庵

神廟

神廟

神廟

卷之三




--	--	--

歸

山


圖



五

元

五



毛嶺

懸鐘山

始皇廟

唐王山

將軍嶺

秦聖寺

河石支山

龍山

鐵馬岩

仙穴

昆廬閣

丹鳳山

臨河

興城

邊城

晉兒峪

編

類

圖



入武安界

山行

亂石河

西成旱河

石泊旱河

塞子旱河

偏店旱河

牧牛池旱河

瓦池旱河

更樂旱河

嶺底旱河

王金庄旱河

北岡旱河

南岡旱河

張家旱河

三泉

連泉渠

連城渠

入磁州界

合漳渠

濁漳

林旺渠

原曲渠


回縣渠

次村渠

胡峪渠

旱河





涉縣志

總目

卷一

疆域

星野
境界
物產

沿革
山水

形勝
風土

卷二

建置

城池
坊表
市鎮
河渠
雜建

公署
鄉村
倉儲
池井

街道
里社
舖驛
橋梁

卷三

政典

賦役
起運

丁糧
存留

地糧
漕糧

耗羨
雜稅

雜貢
學校

鹽引
祀典

寺觀

武備

卷四

秩官

官制
巡檢
名宦

知縣
教諭

典史
訓導

卷五

選舉

徵辟
副榜

進士
貢生

舉人

卷六

武職
封贈

武舉
雜途

人物

忠節
義行
壺德

賢達
耆德

孝行

卷七

雜志

古蹟
考辨

祥異
補遺

雜述
存疑

卷八

藝文

記
詩

序

雜文

卷之三

知縣成學標重修



疆域類

卷之三

晉天文志昂畢躔之分野屬冀州又云魏郡入昂一

度廣平入昂七度趙郡入畢八度文獻通考昂畢

趙分野兼得魏衛之交明清類天文分野書彰德

府室壁分磁州屬昂畢武涉二邑在明隸磁州前

令左印奇曰涉古冀州域天文當在昂畢之次其

來久矣黃志始從郡志改屬室壁殆考之未審耳

沿革

禹貢冀州覃懷底績至於衡漳涉瀕漳知爲冀州域也古爲沙侯國春秋屬衛戰國入魏又入趙秦邯鄲郡地漢始置沙縣屬魏郡後改名涉水經釋地云後漢因漳水入縣人民徙涉更名涉縣張昇記稱至魏始作涉者誤魏屬魏郡晉屬廣平郡前志稱魏晉俱屬廣平者亦誤也北魏天賜元年廢入臨水縣北齊仍之後周移臨水治涉屬相州魏郡

隋開皇十年復置涉縣屬上黨郡十八年屬韓州
卽襄垣郡大業初廢韓州爲上黨郡縣屬如故唐
武德初復隸韓州十三年移置漠縣在今縣西二
里貞觀時復名涉改屬潞州上黨隸河東道五代
同宋陞潞州爲隆德府縣仍屬之熙寧中省黎邑
入潞涉二縣涉地加廣金貞祐三年陞爲崇州以
黎城屬焉四年復改爲涉縣興定五年復陞州仍
改隆德府爲潞州州爲其屬隸河東南路元初爲
州尋復改縣至元二年省入礪州後又復縣隸燕

南河北道真定路明洪武初屬真定府二年改屬
河南彰德府磁州

國朝仍之雍正四年磁州改屬直隸廣平府縣仍屬彰
德

形勝

符山峙於北漳水繞於南東則有玉露嶺之嶮崎西
則有毛嶺之險僻四壁山環天成城郭

按涉環境皆山重岡回抱高峯矗雲逕路蛇盤不
通軌轍行岷谷間後不見前遇漳水驟漲人不得

渡其爲側隘可守者不止一處蓋中州最險之邑也然自猛虎村入境出壺關口不百里直通山陝又秦晉之咽喉而制勝出奇之要道矣

境界

縣治在彰德府西北二百九十里廣一百三十里袤一百四十里重山萬疊中分爲九路

縣東沿河五十里至西達城轉東北由旱河十五里至嶺底踰玉露嶺至兩岔口屬磁州界東南趨郡城二百二十里南通省會六百里

縣東南至合漳六十里渡濁漳河至古城屬林縣界
又百里由任瑤村至水冶卽安陽所屬

縣南二十里响堂舖過吾兒峪至小灣邊墻屬黎城
界近接上黨遠達西秦

縣西南二十里過小曲岐至荻子峪屬黎城界

縣西逆河而上四十里至遼城西南踰七佛嶺乾堵
凸至翠微關兩山拱峙如門屬黎城界別路由遼
城行三里過毛嶺底西至石碑底入黎境

縣西四十里過鐵甲峪至秋樹岩屬黎城界

縣西北三十二里由石門至郝家屬黎城界

縣北五十里由西戌竇庄至陽邑鎮屬武安界

縣東北六十里出猛虎村至冶陶屬武安界東接邯

鄆北達京師

山水

韓王山縣東五里高列崖嶂下枕溪泉縣東北諸山

此其鼻祖也有峯尖削如筆架聳入雲表相傳韓

信曾駐節其下故名今尚有韓王橋遺迹山腰有

山神廟其東出之麓有二峯高與韓山畧等山頂

各建佛祠南北二洞不甚深俱有清泉經冬不涸
在更樂村界

虎頭山縣東一里首昂如虎或云卽魏都賦所云虎
澗安陽縣西三十里亦有虎澗未知其孰是也山
腰建閣名東寺閣閣南曲逕透折而上有臺曰醉
仙名人多有題咏

獅子山縣東南五里懸崖壁立流泉環繞上有千佛
閣從閣之趾蜿蜒而上又有白衣閣

青頭山縣東南十五里山峯聳翠形如螺髻以其高

出諸山又名崇山金立崇州本此上有清泉寺寺
前二泉甘美清冽曰甘露曰玉液舊有山水閣白
雲亭在其上北齊天統間有釋居此山苦節峻行
能斷思想通書史工詩嘗講最上乘禪號靖定禪
師有靖定大師碑記尙存

搖鈴砦縣東南二十里週圍峻嶮上有窰洞七僅樵
徑一線可上相傳昔人避兵處砦之東南怪石玲
瓏似牛形迴首東顧俗呼犀牛望月

紫雲洞縣東南四十里洞口初入僅容一人稍進益

狹有孔似龍口過此漸光明中有潭水極清冷遇
旱往取多應出五色小石洞口常現紫雲邑令楊
霆因禱雨至此於洞外築小亭曰雨我亭

朝陽洞在縣東南二十五里

修仙洞縣東南六十里江羽客修煉處一名江道巖
柏臺山縣東南三十里峭壁巍峩翠柏陰翳每當夕
陽返照光彩耀目上有柏臺寺

玉露嶺縣東南七十里盤路紆曲上下十數里東抵
兩岔口卽與磁州分界處

熊耳山在縣南十里山壁尖石宛如熊耳又有雙鳳
望海掛月石人朝陽諸峯上建開法寺寺前有舍
利閣閣內有井前有池細流瀼瀼自山谷中出注
於池中夏則錦鱗游泳蘋藻參差有石橋二遊陟
者曲折而上憑覽諸勝往往忘返

磨水砦縣南十里亦熊耳山之支麓也山腰有定慧
菴菴前清泉浙瀝冬夏不竭

玉几山在縣南十五里與五指山相連遙望如玉几
故名

楊岐山在縣南二十里有二谷相傳一出泉一常有穀流出至今有寺名聖穀水寺

風洞山在縣西南十里古積布山松柏蒼翠有穴深不可測風從中出卽盛夏人不敢近上建龍王廟

唐王山縣西二十里一名唐王岐後唐莊宗伐梁時

常過此因名山下舊有北齊時離宮傳載文宣帝

高洋自鄴詣晉陽往來山下起離宮以備巡幸於

此山腰見數百僧行過遂開三石室刻諸尊像及

天保末又使人往竹林寺取經函勒之岩壁今山

上經像現存世傳唐文宗駐蹕處者誤上有媧皇廟香火特盛

石鼓山縣西三十里危嵯萬仞有石空懸狀類巨鐘萬歷乙未七月十八日鐘崩有聲如雷其紐尙存半山大石圓狀如鼓旁立一石下有雙履迹山因此得名邑八景有石鼓懸鐘之目

河石支山縣西十六里漳之北岸石皆傾側每巖石一層間以河石本天工而似人爲之者石壁寬平處俱滿帶象

懸崖洞縣

七

十五里人迹罕到一樵入其中見有刻

白里王生生入捫石讀之乃烏珠避難處

按烏珠卽兀术改名金史又作宗弼本傳無避難事蓋當時兀术統兵伐宋其人避亂於此因刻字記之歲久磨泐王生不明文義遂以避兀术之難轉訛爲兀术避難處耳

鐵馬岩縣西三十五里四面峻峭有泉水出其下毛嶺卽古毛城縣西四十五里崇正六年

詔嘗敗賊於此

仙人崖縣西北十五里路通遼州宋熙寧七年修

將軍嶺縣西北四十里宋建中靖國元年將軍楊姓
者禦遼敗歿於此

青龍山縣北十五里形勢蜿蜒乍起乍伏佛閣鱗集
有千枝古柏類觀音手飛橋烟靄間時見元鶴翔
集亦異境也

馬鞍山縣北四十里

符山縣北五十里最高聳一望蒼翠澗水環繞縣北

諸山皆其支脈也上有禹王廟其東南別出之麓
爲雞鳴舖繞村一水潺湲真覺寺在焉相傳有張
子明者宋家庄人修煉於此一日尸解去留詩於
壁云泥牛棄壳過寒岩待向人間有甚傳拂袖欲
邀誰作伴清風爲後月當先

倉庫山縣北五十里上有龍神廟

靈山一名八寶山縣北六十里自符山分脈委折東
行十餘里突起峯巒陂陀曼衍矯若神龍左右八
峯環列萬樹陰森望之蔚然上建衛公祠及龍母

廟祠前古柏數十株輪囷連抱奇狀不一有如龍頭者有如鳳尾者有如獅子蹲踞者

神山縣東北十五里上有神廟因卽名神山

臺科山縣東北十五里故老相傳有上黨人李鑑因

哭母音啞累年一日樵於此山遇黃衣羽士予藥

一丸服之立愈其人忽不見鄉里異其事相與請

乩示詩一首云携將丹藥遊滄海遇此奇峯結草

廬水抱山環龜鶴衛看來却勝小蓬壺疑爲呂仙

遂祠焉

龍山在縣北三里由符山來其勢如神龍夭矯爲邑
之來脈後漢志沙侯國有龍山魏都賦注龍山在
廣平涉縣視虎澗爲有據矣山左有土龜亦以形
似名

漳河發源山西樂平縣由黎城縣清串村流至縣西
毛嶺口入境經縣東南流百餘里至合漳與濁漳
合而爲一卽今合漳東行二十里許入磁州境之吳

家河注安陽豐樂鎮水勢從高下趨若建瓴暴雨
漲發奔騰迅激濱河地畝常爲所刮然支渠絡繹

田賴以溉亦歲收其利

按漳水有二其出山西長子縣自林縣西北牛領

村入境者曰濁漳出山西平定州樂平村

樂平即古沾縣

水出西北少山大
隰谷亦曰麓谷

入縣境東行者曰清漳

水經注云漳水

於此有涉河之稱
蓋各因地變也

二漳俱會於縣境之合漳曰酈

道原水經註世謂決入之所為交漳口交漳即合

漳也又按水經註清漳水過涉縣西屈從縣南東

至武安縣南黍窖邑入於濁漳黍窖邑考武安志

不知所在當又為合漳之異名矣

汝縣志 卷一
溫泉在縣西二十里今淤塞

玉泉在縣東一里韓王山其源大小不一湧如珠玉
一統志有玉泉水三石竅湧出合流至涉縣入清
漳此則別爲黎城之玉泉也

暖泉在虎頭山迤東一里許性溫暖出小魚長二三
寸味頗美其流與玉泉會合入漳一名將泉世傳
淮陰駐兵時士馬資以爲飲

水溢河在縣北四十里符山麓泉源多而且巨其地
巖險多沙石流不一二里卽伏地中夏秋之間近

水林木叢茂茅屋烟村宛然如畫

白沙泉在縣北五十里石泊村界今塞遇雨淺流涓滴而已

靛沫水在縣北西戌村源出符山

寶泉亦出符山麓其泉由寺穿出曲折有致約半里卽伏流惟近寺冬夏不涸

涉山從山左來大小不一皆太行之支麓也重岡疊阜忽起忽伏其爲平地蓋無幾焉迤北旱河頗有砂石東西一帶漳河中貫地至膏腴山迴水抱

卷一
二
林木翳茂春間桃李艷發秋則紅葉漫野令人有
世外之思昌黎有云太行之山有盤谷焉類隱者
之所盤旋也余於涉山水亦云

明志舊有八景爲鐘鼓奇形媧皇勝蹟龍山土龜
韓山戴雨熊耳雙峯青頭卧雲柏臺晚照漳河落
澗 國朝黃志改熊耳雙峯爲六峯鐘鼓奇形爲
石鼓懸鐘去龍山土龜易以風洞古松餘仍舊總
之皆俗例杜撰不當入志因前人多有題咏未便
一概抹之附錄於此

風土

涉居萬山中地高多風蛟龍所宅盛夏時有冰雹大者如拳如碗樹木廬稼動爲所損土人謂之冷子視陰雲密沍驟風雨起用銃炮轟擊蛟龍始畏而不敢逞里俗好爆竹四時不絕有自來也

林涉之間人多病瘿感山氣也或謂水性過寒冽忌冷飲

山地瘠民故無大貲風俗最儉宴會酒食粗具數簋衣服不過土布山繭無紉緞之華靡山不產木屋

材難得雖富家無華構貧者或穴土而居有陶復
陶穴之風焉崔後渠言武涉並山作邑民多武健
以財自雄室服相高武或有之涉不爾也

邑無桑麻之利婦女不蠶績亦無華飾不澤膏粉出
必裹額盛夏不去以是爲禮其衣服皆左袵與南
方男婦俱右襟者異

新春城市放焰火樹木繫繩爲九曲門徑紆折一綫
蟻盤稍誤輒迷不得出婦女有鞦韆之戲元宵後
一日男婦出遊官府內署任其出入以爲利市

人家婚嫁最早閨女十三歲蓄髮後皆編辮髮角成
婚乃解辮挽簪未過門婿家以六月六送羅臘月
望後送花娶時用娶女客二人或姑或嫂女家送
亦如之認親回面皆以合歡之次日三日對九出
閣還母家九日乃返

病多不服藥延請師婆跳神喪事亦用僧道唸經作

功果不信堪輿無停柩不葬者

三日曰排三五日曰排五稍多排七

排九視弔客之多少大戶慎重其事或至經歲

一年三次展墓

清明舉新火也中元

嘗新穀也冬至送寒衣也

杯酒香燭紙鏤而已無大祭品也

西人善賈涉民慕之遠出逐什一之利蘇杭關東無
不至然所鬻惟本地椒柿之屬或山右鹽物無他
珍異貧民無所得食往往出張家口傭作有數十
年不歸者此又爲貧使非本心欲去其鄉也

按涉民勤於農畝儉於衣食今俗尙雖浮靡而此
鄉愿樸如故有唐魏遺風舊志稱其儉約相尙不
失禮本但苦深山遠谷之中聞見不廣余嘗取涉
數事民雖貧不爲丐無肯鬻男女爲婢僕者百姓
信官糧完更不須申訟事稀少罔闕常空不可謂

非淳俗云

物產

邑多山坡地宜麥黍稷高糧稱惟東鄉濱河一帶

之所稱水澆地也民間貴豆葉

採得以鹽水漬之淘淨雜小米糊或

菜漿食凡種豆家止收豆葉則任人採遇虫傷則舉邑惶惶祈神演戲

豆則以飼馬

崖罅多植柿樹

其屬有三長者曰蓋柿作餅為上小者曰綿柿作餅次之扁者曰水

柿不堪為餅樹皆用軟棗栽接節界九秋滿林滿壑燦然火齊邑人以此為糧以造酒治腸血柿霜

真者難得出亦不多每年充貢轉市之林縣

核桃

其種二曰綿核桃皮薄而仁肥白曰夾核

桃皮厚而仁瘦黑僅可為油其木細理黝色可為器然邑匠最拙雕鏤之工皆來自武安

花椒

佳者曰大紅袍其香烈其
味長小椒次之狗椒頗臭
三物頗爲邑利不宜

栗有主瓜南瓜至西瓜甜瓜不常見也禽之屬多
野鴿漫山而飛石雞山雉則來自遼州獸之屬有
狼冬月間有兔河水性急不育魚人家所畜惟雞
無鵝鴨舊郡志涉產有自然銅有鐵今並無之

前志所載有桑皮紙出達城實楮皮爲之尺幅不寬
薄如蟬翼性頗韌可經久然過薄易沾濕不堪作
字亦紙中之下品也

按涉境廣一百三十袤一百四十若係膾原平曠

儼然大邑也惜崇山峻嶺居其過半周視四境大
率循山附水關置村壘各相耕鑿栖息耳其道路
往來惟有奔走脚力駢負不能馳車轉轂也况岡
巒重復悉魄磊亂石木植豈能根深蔭茂煤炭皆
自外至居民首苦乏水次苦乏薪諸物昂貴官府
所市大米斗三百錢小米減半衣棉筋一百八十
錢豬肉筋六十錢羊肉筋四十錢名爲官價視他
處民價加貴稱曰瘠土信不虛矣

涪縣志卷二

知縣戚學標重修

建置類

城池

涉舊係土城明嘉靖辛丑冬始易爲石週圍三里零
九十五步高三丈五尺底濶二丈五尺南北二門
二敵樓四角樓四窩舖一千九十七磚堞壕深一
丈五尺濶三丈馬道濶一丈二尺知縣楊綸奉文
建邑人王科有記見藝文志萬歷六年知縣段愛

民於北門內創立重門上建樓三間以壯觀瞻崇
正六年因流寇亂憲副常行文換城築樓八座自
明季迄

國朝歷年既久敵樓盡頽女墻殘缺南門甕圈亦圯康
熙五十年知縣黃澤通加繕葺重建城樓三座北
曰承恩南曰廣潤東曰迎暉增置窩舖六處雍正
六年又於城中東西街增置窩舖二處

按涉舊城相傳在清涼村今城不知何時始築世
有涉陀城之稱後人因疑涉自古地爲晉大夫涉

陀封邑并牽左傳定七年齊侯衛侯盟於瑣注瑣
卽沙也之語以實之考齊衛同盟之沙自在今大
名元城與此無與而沙之改名涉明見漢書當春
秋時無所謂涉也且春秋之晉有盟衛侯之涉陀
復有叛趙鞅之涉賓今境內有趙簡子城俱可從
而附會之矣竊以涉地在唐末屬澤潞李克用據
之而邢洛磁等州皆爲朱溫有正當梁晉兩國接
境克用父子本沙陀種當時以沙陀呼之涉城或
其所築以禦朱溫人因號爲沙陀城明邑令任澄

清咏土龜詩所謂秀結沙陀式廓垂是也其訛爲
涉陀城者以涉本古沙縣後人或稱涉或稱沙彼
此牽互致誤耳縣境有唐王山并青頭山上觀營
殿御寨皆後唐莊宗伐梁時至此遺跡可以互証
較黎人張昇竟指今縣爲春秋涉陀封邑者其言
固稍有據依矣

公署

知縣署在縣城南街之西歷代相仍元末燬於六明
洪武三年署縣吳得誠因故址重建萬厯二十六

年知縣李天柱重修凡正堂三間傍廳二間今為庫房

幕廳三間今為收糧所二堂五間外為儀門三間又外

為大門舊三間知縣闕士登增為五間康熙五十年知縣黃澤俱

重修

知縣宅在二堂之後有三堂三間四堂五間皆連正堂二堂

而又後樓三間四堂之東為古柏堂柏高十餘丈

二三百物也柏下有池四傍甃石翼以欄杆萬

歷間知縣任澄清引渠水入其中其前為花廳宴

賓之所後為馬號三堂之西則廚房在焉乾隆三

十年知縣吳爽五十五年知縣余光祿疊加修理
鑿駕庫在縣宅三堂東藏儀仗之物備迎詔之用知
縣任澄清置久廢

寅賓館在儀門西知縣刁良建今圮

庫樓在正堂東今改爲更樓

六曹房在正堂兩廊

東吏戶禮架閣倉房附
西兵刑工承發東房附

禁獄在大門內之西

戒石亭在甬道中今圮知縣黃澤重建爲木坊

養善亭在大門東

申明亭在大門西正德申知縣劉搏建知縣李天柱
重修

典史署在正堂西

察院署在東街正德五年知縣張禮建久廢

按察司署在城隍廟東洪武初建久廢

府館在大街東今廢

巡檢司署初在縣北三十里偏店鎮嘉靖間移西南

吾兒峪

稅課局在南街東洪武十五年知縣孫文建久廢

陰陽學在南街洪武十七年訓術孫光遠建
醫學在大街東洪武中建萬歷十年修今廢
僧會司在縣南隅妙覺寺
道會司在清涼觀

街道

大街一道

東西街二道

南北街二道

察院街一道

民壯營一道 以上明舊志所載

城北大路知縣黃澤開先是由東偏行路甚欹仄乃改從北走起龍山嶺訖巔緣岡濶丈有奇岡上悉甃石知縣趙萬里楊憲並嘗修之

河南店村西大路通山西其地西臨高堰東則巨壑中有傾陷危偪處僅容单人隻騎行者苦之乾隆戊辰里人率貲平治始爲坦途縣尉吳汝楫有記東嶺下路由林旺至達城漳流旋折中橫巨嶺行者非踰嶺莫達寸步皆險仄里人於春月漳水淺時

就嶺下壘石為路并鑿石為堰障水令不致衝齧積數年始成任翰林中柱為碑記

故縣南嶺路在故縣村其路通林縣甚捷鳥道崎嶇僅可容足有盤陽張姓者創議與村人修而闢之始修嶺時離村遠工匠苦乏水禱於山神忽甘泉迅湧取用不竭訖工泉亦頓渴咸以為異里人崔

文華為文記其事

此路係張姓曰順成首功而本村江俊桂東郊申文元與有力

更樂至張家庄路凡二十餘里悉危隄仄徑難以置足人畜顛墜比歲有之監生李素存出貲開鑿修

平險仄自是往來行人便之

坊表

節用坊在縣治東

愛民坊在縣治西俱明知縣許文獻建知縣段愛民
修 國朝知縣楊以兼又重修

靈應伯坊在城隍廟前邑人王榮先等建

拱辰坊在北關

貞肅坊在察院街西明署縣教諭李嘉謨建

騰蛟坊在大街爲舉人王靚立

黃門坊在大街左爲給事中王科建

登科坊在大街西爲舉人李學建

廷尉坊在大街爲大理少卿李棟立

父子繡衣坊在大街爲御史李棟父子立

柱史坊在西街爲贈監察御史李紹立

賓興坊爲舉人王科立今圯

恩榮坊爲進士王科立

賓興坊爲舉人申鏐立

文光坊爲舉人廖廷立

昂霄坊爲舉人姚俊英立俱圮

承芳坊在原曲村爲進士周禹立

旌義坊在温村爲義官李榮立

欽獎好義坊在北關爲義官王金立

雙孝坊明天啟八年爲孝子楊如桂夫婦立

節孝坊在馬佈村爲康奪粹妻立

節烈坊在連泉爲張氏李貴立氏爲惡棍史耀所劫甫妻拒奸致殺遇禍甚慘

鄉村

胡峪約所至縣八里附村三日楊家庄日石槽隴日

卸甲

連泉約所至縣二十里附村一曰老張村

原曲約所至縣二十五里附村六曰石牛口曰屏上

曰灰底曰銀礦曰黃岩曰郝家庄

故縣約所一名固縣至縣三十里附村二曰匡門曰

招義

西達城約所至城五十里附村八曰大峯曰河口曰

牛家庄曰席家庄曰關防曰臺凹曰牧牛池曰前

匡門

東達城約所至縣五十五里附村十二曰竇家灘曰
甘泉曰史家庄曰溫家岡曰臺庄曰合漳曰臺家
口曰交口曰丁岩曰石梯曰太倉曰田家嘴

嶺底約所至縣七十里附村二曰宋家庄曰瓦池

白芨約所至縣八十里附村四曰東西蛟曰大港曰
張家頭曰黃路口

以上東路大小共四十六村

七原約所

古延福村

至縣八里附村十曰彈音曰懸鐘曰

工後門曰陳家庄曰高家庄曰石家庄曰楊家庄

曰磨池曰温家庄曰太平庄

索堡約所至縣二十五里無附村

温村約所至縣二十里附村二曰李家庄曰小常樂

常樂約所至縣二十五里附村七曰桃城曰峪裏曰

田家會曰靳家會曰塔兒庄曰半岐曰活水岐

石門約所至縣三十三里附村六曰新橋曰韓家庄

曰郝家庄曰蘇家庄曰石家窑曰東西岐

遼城約所至縣四十三里附村十三曰曲里

本古曰豐里

東遼城曰劉家庄曰賈家庄曰汚犢曰魏家灣曰

南坡曰屏上曰郭家曰汚犢腦曰毛嶺底曰來家
庄曰張家庄

以上西路大小四十四村

河南店約所至縣二里附村一曰楊家山

南庄約所至縣二里附村四曰椿樹嶺曰流星曰碧
水曰薛寺

會裏約所至縣八里無附村

河頭約所至縣十里附村五曰嶺後曰江家庄曰寬
漳曰趙家河曰小漳村

响堂舖約所

即吾兒峪

至縣二十里無附村

以上南路大小十五村

南岡約所至縣五里附村七曰曹家庄曰何家庄曰

王家庄曰西灣曰南蠻駝曰古臺村

北岡約所至縣八里附村五曰趙家曰郝家曰贊凹

曰龍耳街曰小車

井店約所

即古青店

至縣二十里附村九曰黃金庄曰鶯

哈井曰玉林井曰拐裏曰曹家庄曰王家庄曰礦

腦曰東坡曰北蛟

臺村約所至縣十五里附村五曰南溝曰白甘水曰

西岡曰池耳街曰廟皎

更樂約所

古上黨村

至縣十五里附村八曰趙家西坡曰

劉家東坡曰張家庄曰滿柿口曰禪房曰下庄曰

前梁家岩曰大窩村

西戌約所至縣五十里附村八曰前後西峪曰沒井

曰史家庄曰摘纓皎曰邱子峪曰土門壑曰李家

庄曰東西竇庄

馬佈約所至縣六十里附村三曰小井曰亂石岩曰

沙岐

石泊約所一名石坡至縣五十里附村一曰大泉

偏店約所至縣三十里附村五曰水溢河曰雞鳴舖

曰宋家庄曰范家井曰鳳岡村

以上北路大小共六十村

城五舖約所共附村十一東路曰林旺曰石岡曰東

岐曰大港曰段曲西路曰小曲岐曰西坡南路曰

神頭

俗稱沿頭卽古柏泉村

北路曰招岡曰沙河曰猛虎

俗名

龍虎村亦

稱孟戶

散列村共十二東路曰寨上

俗呼閣
兒寨

曰茨村曰庄上

西路曰上下清涼口灘裏曰赤岍曰王堡北路曰

南北郭口曰東南寨曰陳平曰趙峪曰窰則

俗名
窰子

亦曰
窰上惟南路無

按涉舊制鄉置長一人擇有德望者爲之以約束

一鄉之人兼平其曲直有公所如古所稱街彈之

室鄉長聽之謂之約所其長卽名鄉約又有保長

主縣差發之事大鄉或數人小村則設夫頭各就

所附統於鄉約在城五舖約所亦各有附村又有

寨上等十二村舊名直隸村今改爲散列村其夫
以向不隸於約所或附在城某約下從其便無一
定也凡鄉約保長夫頭各以歲更易聽其自舉報
舊志除五舖外通二十七約所後增爲二十八舊
轄共九十五村後析爲一百八十八具列如右

里社

乘雲一里 乘雲二里 乘雲三里

仙一里 仙二里

玉泉一里 玉泉二里 玉泉三里 玉泉四里

玉泉五里

龍山一里

龍山二里

龍山三里

龍山四里

龍山五里

符山一里

符山二里

符山三里

以上各里係舊時分設每里分十甲甲有催頭一人以歲更充大甲或二人專任催糧近又一甲中分有前某甲後某甲再某甲等名目雖過繁碎而所轄戶少則責成輕於事易集故官亦聽之惟玉四玉五二里向設總催二人不復按甲征比因俗

爲泊可矣不在更張也

市鎮

漳南鎮卽河南店距城二里

井店鎮距城二十里

偏店鎮距城三十五里

索堡鎮距城二十五里

故縣鎮距城三十里

在城集

達城集距城五十里

崇堡集 以上舊名五鎮三集

井店集

偏店集

西戌集 以上三集新增

凡集鎮皆分日市本處人貿易日用之物揚子所謂一闕之市惟逢會市則他處商賈多有至者然

亦惟在城隍廟會凡二次第一次三月二十七日起至四月初二日止二次

自四月十四日西路頂上會自三月初一日起十

起十六日止及胡峪村會以四月十七更樂村會

二十日起二十五日止更樂村會

次第一次三月初六日起初九日止二次四月十二日起十四日止三次四月十九日起二十二日止
會以三月十六河南店會以三月十六等數會客貨頗集人聚
殷盛其餘會至者寥寥也

倉儲

常平倉在縣治西北隅卽明預備倉故址舊有倉廩四座年久頽圯僅存一座八間康熙三十三年知縣左印奇奉文增廩房二十二間新舊共三十間雍正三年知縣黃大成詳請添蓋三十間雍正六年知縣嚴有禧奉文建餘房二間共計倉廩六十

二間

廣積倉即義社倉在大坊西今圯

舖驛

南二舖曰神頭舖 曰響堂舖 接山西黎城界

北五舖曰北岡舖 曰井店舖 曰窰上舖 曰石

泊舖 曰猛虎舖 接武安界查舊舖路自井店至

熙末有山西洪洞劉姓捐貲另修道路避偏店西
戌之紆險改從窰上石泊一帶而行因之舖路亦
改自外復有佛家店腰舖在磁州
境則官自捐置以濟郵遞之力

驛馬原額一十六匹今存 匹

驛馬夫原額八名今存 名

遞送公文馬夫原額一名

走遞夫原額九名今存 名

皆乾隆二十四年裁減

塘馬二匹

塘馬夫二名

俱康熙四十八年裁

按涉舊磁州屬故一切郵遞必自武安先至磁州以達於府其後磁州改入直隸縣自隸府而舖路未改去郡二百九十里道途紆遠經閱兩省文報往往稽遲上司督過磁州又不任咎因於磁境佛

家店捐置腰舖需用夫馬官自捐給隔屬難於稽
察文報之稽如故遇上申要件皆專差馬夫直從
磁境斃城小路送府府有緊要公文亦徑發在郡
聽事專差下送不復由舖顧道路之遠往來皆仍
須二日餘官旣賠苦而上司猶以稽緩爲罪差提
絡繹更需賫遣此亦涉之一大苦也

河渠

王公堤元延祐間縣尹王瑁仁以城東南隅歲被河
水衝激作堤一道防之今廢

永惠渠在故縣明知縣刁良開上流渠所經之地捐
貲買置永爲官地民不許侵

任公渠明萬歷癸丑知縣任澄濟開由七原山前引
漳水入渠山前地頗高疏濬深廣漸至平疇凡灌
田三十餘頃至今賴之其餘派引至北關入城穿
泮池入縣衙從南門而出故道尚存 國朝嘉慶

三年知縣戚學標因北關紳耆之請重修

柴公渠在漳河南畔知縣柴公 開利與任公渠等
相等所謂南北二渠也王可大有記

按涉之害莫甚於漳水涉之利莫大於河渠瀕河
上下二三十村支分派別其爲渠道不止一處不
盡官所開也每渠有輪充渠頭二人春加挑濬秋
則計租凡水利所沾按地上下計沾水一弓出三
弓之租爲工費遇旱分班灌溉不得撓先皆渠頭
之責惟城西之渠爲官渠無出租之例豪強或據
水醵錢專利致爭官所宜禁也

池井

府館井在城隍廟前城內舊止四井半在僻巷居人

不敷綆汲康熙元年始開此井上覆石亭知縣田

珂有記

營井在東營街

南井在妙覺寺側

北井在丁字券前

倉門井在文昌祠前

縣門井在縣治右別有井在馬號衙舍之用取給

遇林井井店八里相傳井店上姓遇林
姓指示開鑿舊有萬歷間王良翰石誌

南門井凡四

北關井凡二 餘不悉載

小海子在城東南隅文昌閣側城中地北高南下每大雨悉注於此瀦爲深淵有汪洋之觀

仁池在更樂村地處高阜不可以井取汲甚艱明萬歷間邑令金壇王公請於府動支本鄉社穀一百石俾鄉民張尙禮等相地開鑿於是民用不乏號曰仁池後稍淤諸生劉之秦等又請於邑侯吳公可願重加開浚有萬歷二十二年邑人李秉謙及天啟甲子邑人李四端兩碑記

按涉地高水少西北一帶尤甚往往有掘地數十丈無水者天時亢旱遠至二十里外駝載屠人至以水爲寶若有池井之處取汲不窮前人開鑿之功不可忘也故補志之

橋梁

東司橋在城東街

聚文橋在縣門西

郭口橋在縣東北六十里金明昌二年建里人慮山水漲溢運巨石以鐵錠之明成化四年知縣卜鏞

嘗重修

井店橋在縣二十里

萬壽橋在縣北二十五里近井店村明嘉靖間知縣
李嘉臣建本爲土橋隆慶初鄉民王永等改建石
橋高四丈濶二丈許長九丈上爲欄杆七架制巨
而堅詳邑人李鰲記後圯康熙十三年里人王廷
獻傅鐸等重修

偏店橋明成化間知縣徐廷錫建

鞏固橋在縣北西戌村澗河經其下石制頗堅登橋

而望南山一帶青靄如畫遙與符山相映

寧遠橋在馬佈村西八里

萬善橋在窰子村康熙四十四年里人王洪仁僧寶壇等募建

桃城橋在縣北二十五里

駙馬橋在招岡

雙鳳橋在庄上

韓王橋在韓山下俗傳淮陰侯駐兵處

馬家寨橋係古大路通山西橋甚堅固制亦巨

天橋在段曲

七原橋在縣北八里亦名鞏固橋

嶺底橋在縣東南七十里

通濟橋在縣北十里許

飛烟橋在縣北二十里奉聖寺前叅政張應登書

大乘橋在熊耳寺明知縣任澄清建

樂善橋卽漳河官渡夏月河水暴漲則撤去官設渡

船一隻船戶二十四各有官置地給令耕種寒則

建板橋歲資修理鄉民因共勸募出貲立橋社在

城五舖鄉約河南店社首分年經管夏拆冬成往
來濟渡行人便之

庄上橋

招義橋

林旺橋

達城橋

合漳橋

以上五橋在東路

王堡橋

索堡橋

以上二橋在西路俱夏拆冬成

按舊志止載石橋其板橋之架毀不時者悉畧不
載不知涉境漳河流貫東西在在需濟夏月水漲
橋不能容勢貴船渡秋杪水落則船無所用非橋
無以免褻裳之苦皆建置之不可緩者是固司土
之責而居人一心共濟善士好義樂爲亦難以盡
沒焉

雜建

惠民藥局在縣大街東明洪武時訓術郭從善建萬
歷十年知縣劉啟坤重修

迎春亭在虎頭山下明知縣任澄清初建有月臺甬道廂房門樓傍栽松柳下蔭清泉每歲迎春將事於此黃贊善立極有記

育嬰堂在南關外康熙四十六年知縣黃澤奉文捐置房五間地五畝其地糧二斗納銀四錢官自賠納南關鄉約司其事

普濟堂在南關明時有養濟院在十字街東久廢改建堂於此官置田畝發民耕種歲入穀石以贍貧老嗣後上司又有交官發鹽當各商生息銀兩爲

貪令所侵用嘉慶元年知縣戚學標以堂毀壞計
請修建墊捐銀兩生息如舊

漏澤園在北關外

義塚邑舊無之康熙四十四年署涉縣事武安縣知
縣黃之孝詳請捐俸於各鄉置地七十一畝以作
義塚其詳文及原地主姓名畝數俱有碑記計地
糧共該二百六斗二升九合應納銀三兩九錢一
分知縣黃澤開入官戶官爲封納